

Morning Regional Dogri News Bulletin, 09th April 2024

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

1. जम्मू पार्लिमानी हल्के लेई 22 मेदवार चुनां मैदान च न, इंदे सियासी भागें दा फैसला 11 लक्ख 67 ज्हार थमां बद्ध मतादाता करगंन।
2. भारतीय जनता पार्टी ते प्रधानमंत्री नरेन्द्र मोदी होरें दावा कीता जे एनडीए सरकार दे जतनें कन्नै पूरे मुल्ख च नक्सलवाद कमजोर होआ ऐ।
3. चीफ ऑफ डिफेंस स्टाफ जनरल अनिल चौहान होरें त्रौनें सेनाएं दे पैहले सम्मेलन दरान सेना आस्तै संयुक्त संस्कृति विकसित करने दी जरूरता पर जोर पाया।
4. अज्जै थमां चैत्र नराते शुरू होइ गे न। श्री माता वैष्णो देवी ते जम्मू खित्ते दे मंदरें च श्रद्धालुएं दा खासा रश दिक्खेआ जा'रदा ऐ। उपराज्यपाल मनोज सिन्हा होरें लोकें गी नरातें दियां शुभकामना दित्तियां।

<><><><><><>

Jammu Parliament

जम्मू सांबा रियासी लोकसभा सीट लेई दुए गेड़ तैह्त 26 अप्रैल गी वोट पाए जाने न। इस पार्लिमानी हल्के लेई 22 मेदवार चुनां मैदान च न। इंदे सियासी भागें दा फैसला 17 लक्ख 67 ज्हार 837 मतदाता करगंन। आकाशवाणी जम्मू संवाददाता दी रिपोर्ट मूजब आजाद मेदवार आर.के.धर होरें अपना नामांकन वापस परताई लैता ऐ ते हुन 22 मेदवार गै चुनां मैदान च न। इस पार्लिमानी हल्के लेई मुख्क मेदवारें च भारती जनता पार्टी दे जुगल किशोर शर्मा, इंडियन नैशनल कांग्रेस दे रमण भल्ला, एकम सनातन भारत दल दे अंकुर शर्मा, जम्मू कश्मीर पीपुल्स फ्रंट दे स्वामी दिव्यानंद, नैशनल अवामी यूनाइटेड पार्टी दी शिखा बंदराल न। इस हल्के लेई 26 अप्रैल गी वोट पाए जाने न। रिटर्निंग अफसरें आस्सेआ मेदवारें गी चुनां नशान देने आली प्रक्रिया पूरी करी लैती गई ऐ। एह पार्लिमानी हल्का जम्मू सांबा ते रियासी जिले च फैले दा ऐ ते इत्थें कुल 17 लक्ख 67 ज्हार 837 मतदाता न जिंदे च 9 लक्ख 15 ज्हार 10 मर्द, 8 लक्ख 52 ज्हार 795 महिला मतदाता ते 18 ट्रांसजंडर मतदाता न। इस हल्के लेई 2 ज्हार 4 सौ 16 मतदान केन्द्र बनाए गेदे न।

<><><><><><>

Migrants

जम्मू कश्मीर सरकार नै कश्मीरी विस्थापिते कर्मचारिएं जेहड़े कश्मीर घाटी च तैनात न, लेई त्रै दिन दा विशेष कैयुअल लीव दी घोषणा कीती ऐ। तां जे एह लोक जम्मू उधमपुर ते दिल्ली च बनाए गेदे खास मतदान केन्द्रें पर जाइयै वोट पाई सकन। आदेश मूजब कश्मीरी विस्थापित कर्मचारी जेहड़े अनंतनाग, राजौरी, पार्लिमानी हल्के कन्नै सरबंध रखदे न ओह 6 थमां 8 मई तगर, कैयुअल लीव लेई सकदे न। इस पार्लिमानी हल्के लेई 7 मई गी वोट पाए जाने न। इसै चाल्ली श्रीनगर पार्लिमानी हल्के लेई 15 मई गी वोट पाए जाने न। इस हल्के कन्नै सरबंधत कर्मचारी 12 थमां 14 मई तगर छुट्टी लेइ सकदे न। जिसलै कि बारामुला संसदीय हल्के लेई एह कर्मचारी 19 थमां 21 मई बश्कार कैयुअल लीव लेइ सकदे न। इस हल्के लेई 20 मई गी मतदान होना ऐ।

<><><><><><>

PM-Naxlisy

भारती जनता पार्टी दे वरिष्ठ नेता ते प्रधानमंत्री नरेन्द्र मोदी होरें आक्खेआ ऐ जे एनडीए सरकार दी दी कोशशें करियै नक्सलवाद ना शड़ा महाराष्ट्र थमां सगुआं पूरे मुल्ख च कमजोर होआ ऐ। कल महाराष्ट्र दी चन्द्रपुर थाहर मोरवा हवाई अड्डे मैदान च चन्द्रपुर ते गड़चरौली लोक सभा चुनां हल्के दे मेदवार दे हक्कै च आयोजत जन रैलिएं गी संबोधत करदे होई आक्खी। श्री मोदी होरें आक्खेआ जे गड़चरौली जेहड़ा नक्सलवाद करियै जानेआ जंदा हा हुन ओ स्टील उद्योग ते विकास करियै जानेआ जंदा ऐ। समाज दे वंचित लोकें गी उबड़ा चुक्कने लेई कीते जा करदे कम्में बारे बोलदे होई उनें आक्खेआ जे 80 करोड़ लोकें गी मुफ्त राशन थोआ करदा ऐ ते 50 करोड़ लोकें गी 5 लक्ख तगर दे मुफ्त इलाज दी सुविधा हासल होआ करदी ऐ। विरोधी धड़े कांग्रेस दी नुख्ताचीनी करदे होई उनें आक्खेआ जे पैहले आलिएं सरकारें विकास परियोजनाएं गी रोकेआ ते राज्य दे विकास च अड़चन पाई। इस मौके महाराष्ट्र दे मुख्यमंत्री एकनाथ शिंदे होर बी उत्थें मजूद हे।

<><><><><><>

Rahul

वरिष्ठ कांग्रेस नेता राहुल गांधी होरें आदिवासी बहुल इलाके सिओनी ते शाहदाल च जनसभा गी संबोधत कीता। कांग्रेस दे घोषणा पत्र बारे गल्ल करदे होई उनें करसानें लेई कर्ज माफी एमएसपी गी लागू करने दी गारंटी महा लक्ष्मी योजना तैहत महिलाएं गी इक लक्ख रपे दी राशि ते युवाएं लेई सिखलाई दी गल्ल कीती। उनें आक्खेआ जे ओह अग्निवीर योजना रद्द करी देंगन। उनें कंथरेक्ट उप्पर नौकरिएं उप्पर रखने दी

प्रणाली गी खत्म करने दा वायदा कीता। उनें ऐसी-ऐसी स्कालरशिप गी दुगना करने ते आदिवासी बहुल इलाके च 6में शड्यूल गी लागू करने दी गल्ल आक्खी।

<><><><><><>

Congress

भारती जनता पार्टी दे वरिष्ठ नेता ते प्रधानमंत्री नरेन्द्र मोदी हुंदे आस्सेआ कांग्रेस पार्टी दे घोषणा पत्र पर कीती गेदी टिप्पणी गी लेइयै कांग्रेस नै कल चुनां कमीशन अगगे विरोध दर्ज कराया। पार्टी दे वरिष्ठ लीडर सलमान खुर्शीद हुदी अगुवाई च पार्टी दा इक डैलीगेशन इस मुद्दे गी लेइयै नमीं दिल्ली च चुनां कमीशन कन्नै मिलेआ। मगरा कमीशन कन्नै मिलेआ, मगरा पत्रकारें कन्नै गल्लबात करदे होई खुर्शीद होरें आक्खेआ जे पार्टी नै घोषणा पत्र गी मुस्लिम लीग दी छाप आक्खने आले मोदी हुंदे ब्यान पर एतराज जताना ऐ।

<><><><><><>

BJP

भारतीय जनता पार्टी दे राष्ट्रीय स्वयंसेवक संघ आरएसएस दे नां पर बने दे इक फर्जी संगठन पर कारवाई करने आस्तै चुनां आयोग कश पुज्जीफ। एह संगठन पार्टी दे बारे च नकारात्मक गल्लां फला'रदा ऐ। पार्टी महासचिव अरूण सिंह होरें आक्खेआ जे फर्जी संगठन कांग्रेस सेवा दल दे नेता दे समर्थन कन्नै बनाया गेआ हा ते एह रजिस्ट्रेशन हाई कोर्ट ते सुप्रीम कोर्ट नै खारज करी दित्ता हा। उनें आक्खेआ जे हुन चुनां दे समें च एह संगठन परतियै सक्रिय होई गेआ ऐ। उनें आक्खेआ जे एह आदर्श आचार संहिता दी खलाफवर्जी ऐ। पार्टी नै आयोग गी इसव फर्जी संगठन पर कारवाई करने लेई आक्खेआ ऐ। राष्ट्रीय स्वयंसेवा संघ नै बी एहदे खलाफ आयोग च शकैत दर्ज कराई ही।

<><><><><><>

Tri Services

सेना दे त्रौनें अंगें दा सम्मेलन परिवर्तन चिंतन कल नमीं दिल्ली च आयोजित होआ। इस मौके पर चीफ ऑफ डिफेंस स्टाफ जनरल अनिल चौहान होरें सेना आस्तै संयुक्त संस्कृति विकसित करने दी जरूरत पर जोर पाया। उनें आक्खेआ जे युद्ध च लड़ने दी छमता ते किट्ठे रलिय कम्म करने आली छमता गी बधाइयै सेना दे हर अंग दी समर्थ गी एकीकृत करने दी जरूरत ऐ। सम्मेलन च सैन्य ते सिविल क्षेत्रें च राष्ट्रीय सुरक्षा पर असर पाने आले सामरिक मुद्दें पर बचा बमर्श होआ। चीफ ऑफ स्टाफ कमेटी लैफ्टिनेंट जनरल जे.पी.मैथ्यू होरें विश्वास जाहर कीता जे इस चाल्ली दे सम्मेलन कन्नै सांझी कारवाइएं सरबंधी बवस्था विकसित होग जेहदे कन्नै सेना आस्तै भविक्ख च केई बदलाव होई सकंगन।

<><><><><><><><>

Terrorist

दक्खनी कश्मीर दे शोपियां इलाके च आतंकवादिं कल रातीं इक टैक्सर डरैवर गी गोली मारियै उसी गंभीर रूपै कन्नै घायल करी दित्ता। रिपोर्ट मूजब डरैवर दी पंछान दिल्ली दे रौहने आले दिलरंजीत सिंह दे तौर पर होई ऐ। ओह विदेशी सैलानिं कन्नै हा ते सैलानी होटल अंदर हे, जिसलै आतंकवादिं कल संजा गोलियां चलाइयां। उसी फौरी तौर पर इलाज लेई शोपियां दे अस्पताल च आन्नेआ गेआ, उत्थुआं उसी श्रीनगर मुंतकिल करी दित्ता गेआ। ओहदी हालत गंभीर पर खतरे थमां बाहर दस्सी जा'रदी ऐ। वरिष्ठ पुलस ते सुरक्षा बल मौके आली थाहर पर पुज्जे ते आतंकवादिं गी फगडने लेई व्यापक तलाशी अभियान रंभेआ गेआ।

<><><><><><><><>

Navratra(byte)

मुलखै दे दुए हिस्सें आले लेखा जम्मू कश्मीर च बी चैत्र नरातें दा ध्यार श्रद्धा ते उत्साह कन्नै अज्जै थमां शुरू होई गेआ ऐ। इसी दिक्खदे होई मंदरें गी फुल्लें कन्नै खास तौर उप्पर सजाया गेदा ऐ। इस मौके पर धार्मिक कार्यक्रमें लोआए जा करदे न ते माता दुर्गा दी पूजा कीती जा करदी ऐ। रियासी जिले च0 श्री माता वैष्णो देवी तीर्थ स्थान गी नराते दे मौके पर खास तौर पर सजाया गेआ ऐ। जम्मू च बाहू किले पर बावे आली माता दे मंदर च बडलै सवेला थमां गै श्रद्धालुएं दी भीड़ लग्गी दी ऐ। उधमपुर, सांबा, कटुआ, डोडा च बी देवी दे मंदरें च दर्शन लेई आवा करदे न। नराते दे पैहले ध्याड़े देवी दे शैलपुत्री रूप दी पूजा कीती जंदी ऐ। नराते दे मौके पर लोक बरत बी रखदे न ते 9एं दिनें तोड़ी घरें च साख दी पूजा करदे न। प्रशासन नै सब्बने धार्मिक थाहरें पर सुरक्षा दे इंतजाम कीते दे न। होर जानकारी साढे उधमपुर दे जिला संवाददाता थमां..... बाईट

<><><><><><><><>

Add Navratra

उपराज्यपाल मनोज सिन्हा होरें लोकें गी चैत्र नराते शुरू होने पर मुबारकबाद दित्ती ऐ। अपने इक सनेह च उपराज्यपाल होरें सब्बने दी सफलता, खुशहाली ते भलाई बेहतरी दी कामना कीती। उपराज्यपाल होर कश्मीरी पंडित समुदाय गी नबरेह दियां बी शूाकामना दित्तियां। उनें मेद जाहर कीती ऐ जे एह ध्यार आपसी भाईचारे दी तंदे गी मजबूती देग ते असंगी मानवता दी सेवा लेई प्रेरित करोग। उनें सब्बने दी भलाई बेहतरी ते खुशहाली दी बी कामना कीती।

<><><><><><><><>

ADC

सीमा सड़क संगठन दे अतिरिक्त महानिदेशक आर.के.धीमान, शिड़क ट्रांसपोर्ट ते जरनैली शिड़कै सरबंधी मंत्रालय दे चीफ इंजीनियर राहुल गुप्ता ते संपर्क परियोजना दे चीफ इंजीनियर नीरज मदान होरें अखनूर-पुंछ राष्ट्रीय जरनैली शिड़का सरबंधी चला करदी विकास परियोजनाएं दा जायजा लैता। मकसद बुनियादी परियोजनाएं दी प्रगति ते गुणवत्ता दा जायजा लैना हा। एह परियोजना इलाकाई विकास गी बढ़ावा देने ते संपर्क सरिस्ते च बाद्धा करने लेई बड़ा महत्व रखदियां न। इस राष्ट्रीय जरनैली शिड़का दा दर्जा बधने कन्नै सफर च लगने आले समें घट्ट होग ते इलाके च संपर्क बढौग ते सब्बने मौसमें च पुज्जत उपलब्ध होग।

<><><><><><>

IPL

आईपीएल क्रिकेट तैह चिन्नेई दे एम.ए.चिन्दम्बरम स्टेडियम च खेड्डे गेदे मैच च चिन्नेई सुपर किंग्स नै कोलकाता नाईट राईडर्स गी 7एं विकटें कन्नै हराई दित्ता। 138 रंजें दे लक्ष्य दा पिच्छा करदे होई चिन्नेई नै त्रै विकटें दे नुक्सान पर 14 गेंद बाकी रौहंदे 141 रंज बनाई लैता। ऋतुराज नै 58 गेंदें पर 57 रंज बनाए ते ओह नाबाद रेह। अज्ज चंडीगढ़ च खेड्डे जाने आले मैच च पंजाब किंग्स दा मकाबला सनराईजर्स हैदराबाद कन्नै होग। एह मैच संजा साढ़े 7 बजे शुरू होग।

<><><><><><>